

UGOVOR O JAVNOJ NABAVCI

I ISPORUCI JEDNOG SLUŽBENOG PUTNIČKOG MOTORNOG VOZILA

1. **Sarajevska regionalna razvojna agencija SERDA d.o.o. Sarajevo**, Kolodvorska 6, koju zastupa direktor dr. Ševkija Okerić, (u daljem tekstu: Ugovorni organ)
2. **Porsche BH d.o.o. Sarajevo**, Bulevar Meše Selimovića 16, koga zastupa direktor Vaszi Andor Alex, (u daljem tekstu: Dobavljač)

II PREDMET UGOVORA

Član 1.

Predmet ovoga Ugovora je nabavka i isporuka jednog putničkog motornog vozila karakteristika-Volkswagen Golf VII PA Comfortline 2.0 TDI za potrebe SERDA d.o.o., u Konkurentskom postupku, a prema Ponudi ponuđača br: 44315-051634 od 14.06.2018. godine.

III CIJENA

Član 2.

Vozilo koje je predmet ovog Ugovora će se isporučiti Ugovornom organu, po fiksnoj cijeni koja je data u ponudi Dobavljača.

Cijena ponude bez PDV-a iznosi 41.050,33 KM, a cijena ponude sa PDV-om je 48.028,89 KM.

U cijenu je uračunat popust u iznosu od 2.052,52 KM (5%), tako da ukupna cijena sa popustom bez PDV-a iznosi 38.997,81KM, a ukupna cijena sa popustom sa PDV-om iznosi 45.627,44 KM.

IV NAČIN PLAĆANJA

Član 3.

Plaćanje za vozilo iz člana 1. ovog Ugovora će se izvršiti na sljedeći način:

- Plaćanje ugovorene cijene za vozilo izabranom ponuđaču će se izvršiti putem davaoca usluga finansijskog leasinga, PORSCHE LEASING d.o.o. Sarajevo a na osnovu ugovora o finansijskom leasingu između PORSCHE Leasinga i Sarajevske regionalne razvojne agencije SERDA.

V ROK ISPORUKE

Član 4.

Dobavljač se obavezuje da vozilo iz člana 1. isporuči u roku od najduže 90 dana od zaključivanja ugovora od obiju strana.

V OBAVEZE UGOVORNOG ORGANA

Član 5.

Ugovorni organ se obavezuje da:

- izvrši obavezu iz člana 3. ovog Ugovora

VI OBAVEZE DOBAVLJAČA

Član 6.

Dobavljač se obavezuje da:

- izvrši obavezu iz člana 4. ovog Ugovora,
- isporuči vozilo traženog kvaliteta
- ispostavi fakturu za isporučeno vozilo Porsche Leasingu
- dostavi garanciju na vozilo u skladu sa prihvaćenom Ponudom broj 44315-051634 (4 godine od isporuke ili 120.000 km, šta prije nastupi).

Član 7.

Za ugovoreno vozilo iz tačke 1. ovog Ugovora Dobavljač daje garanciju na kvalitet i funkcionalnost u trajanju od:

a) 120.000 km ili 48 mjeseci od dana isporuke.

Garancija za vozilo obuhvata sve kvarove nastale usljed grešaka u proizvodnji i materijalu.

Ugovorni organ će u toku garantnog perioda održavati vozilo u funkcionalnom stanju i u okviru toga izvršavati će redovno održavanje i otklanjanje kvarova, odnosno popraviti ili zamijeniti komponentu ili neispravni dio vozila. Obaveza ugovornog organa je da vozilo koristi u skladu sa Uputstvom o korištenju vozila koje se dostavlja uz vozilo. Garancija se ne priznaje u slučaju kada je do kvara na opremi došlo usljed:

- nestručnog rukovanja vozilom
- ne pridržavanja redovnog servisnog intervala
- u ostalim slučajevima korištenja vozila koje nije u skladu sa Uputstvom o korištenju vozila.

Član 8.

VII PRIMOPREDAJA

Primopredaja vozila vrši se potpisom otpremnice, a ista se potpisuje nakon kvalitativnog i kvantitativnog prijema vozila i opreme, koju će izvršiti predstavnik Ugovornog organa.

Ukoliko se pregledom utvrdi da kvalitet ponuđenog vozila ne odgovara traženom i ponudom utvrđenom kvalitetu (brend name oprema) i kvantitetu, Ugovorni organ zadržava pravo da traži otklanjanje nedostataka u razumnom roku imajući u vidu prirodu nedostatka, te ako se nedostaci ne otklone u razumnom roku, da raskine ugovor na štetu Dobavljača.

Član 9.

Dobavljač nema pravo zapošljavanja, u svrhu izvršenja ugovora o nabavci, fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili

stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, šest mjeseci po zaključenju ugovora.

VIII PENALI

Član 10.

Za svaki dan zakašnjenja Dobavljač se obavezuje da naručiocu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

IX VIŠA SILA

Član 11.

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana je obavezna da obavijesti drugu ugovornu stranu u roku od 7 (sedam dana) od nastanka više sile.

X OSTALE ODREDBE

Član 12.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Član 13.

Ovaj ugovor stupa na snagu kada ga potpišu obje ugovorne strane. Sve izmjene ovog Ugovora mogu se vršiti isključivo i samo uz pismenu saglasnost ugovornih strana.

Član 14.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Sastavni dio ovog Ugovora je Ponuda iz člana 1. ovog Ugovora.

ZA DOBAVLJAČA
DIREKTOR


Pors the BHK
Vaszi Andor Alex
XIII

Broj: U-722/18
Dana, 24.08.2018

ZA UGOVORNI ORGAN
DIREKTOR


dr. Ševkija Okerić

Broj: UG-129/18
Dana, 15.10.2018

